

四庫全書

史部

欽定四庫全書

硃批諭旨卷一百

硃批鄭任鑰奏摺

雍正四年五月初四日湖北巡撫

臣鄭任鑰謹

奏為奏

聞事

臣

以庸陋下材荷蒙

皇上殊恩畀以封疆重任一切事宜惟有謹遵

聖訓夙夜勤慎以期稍盡職守

臣

於雍正四年三月十

二日入境即見沿路二麥暢茂到任之後行查各屬據報雨水霑足二麥豐收等語現在收穫統計分數約有七八九十分不等米石時價武昌漢陽二府每石八錢五分黃州安陸德安荊州襄陽鄖陽六府每石自七錢二三分至八九錢一兩不等小麥每石五錢五六分至六錢大麥每石二錢六七分三錢不等收成豐稔編氓樂業此皆

皇上宵旰勤求保民若赤之所致也至各處早稻俱已

播種將畢雨水現在調勻所有二麥收成及米麥
時價謹具摺奏

聞伏乞

睿鑒謹

奏

二麥豐收米價平減殊慰朕懷千里如面不可粉飾覽
督撫二臣之奏似出一手或偶爾相符亦未可定倘係
商酌約同之言則過費一番心思矣此後不必約同一

人獨奏可也

同日又

奏為奏

聞事竊查湖北地方時當初夏江漢水勢正在日加增

長臣恐有妨堤岸已嚴飭武昌守道趙弘恩上荆

南道高淳下荆南道趙之均等令於各所屬堤埝

在爾

固然

嚴飭

恐屬

員實

力奉

行者

鮮矣

若勸

懲不

公

用心巡察督率印河各官加意防守務保無虞再

舉劾

不明

此等

皆屬

故套

紙上

虛文

耳何

益之

有必

使

所屬城垣間有殘損之處臣已飭令地方官及時

地方各官振起向來疲玩積習為要

修葺完固有因明季兵燹城已剝為平地幸有山

徐徐為之總期克臻實效

險可恃者臣已行令查勘缺口用磚石填砌添設

定界

一事必使確乎不易方為畛域清楚寧可稍遲畫

準母

得草率從事否則不特為無益之更張且恐為日

後爭

訖間有犬牙錯雜之地與濱江濱湖坍塌漲不時之

處尚未勘明界限俟勘明具報到日倘有接壤之

區其間有可以便民併隸者容臣查確具疏請

旨遵行更有私鑄一事現在嚴行禁止務期源絕流清

至於安民必先察吏臣於到任後已嚴飭各員勉力振作以肅吏治如再有疲玩不職者臣即分別糾叅人地不相宜者臣即

題請調換以上俱臣分內應行事件不應上煩

聖聽現在次第料理恐厯

聖懷理合奏

聞謹

奏

私鑄既經嚴禁即應區畫永久可行之策而措施之庶
百姓輸心樂從也不然姦刁射利之徒煽惑愚民翻生
怨望於事何濟此正爾等封疆大吏之責當不避勞怨
熟籌謀始樂成之難易為國家盡力為之設有掣肘之
處不妨奏明毋得輒指稱特旨陡頒嚴令以致衆口譁
譁而於國計民生仍然無益此等居心行事豈臣下歸
功引咎之道歟諸如此類當事事留心若使怨歸於上
則恐罪歸於汝等也至於察吏泛泛申飭不如開心見

誠懃懇教導使皆竭忠盡瘁以奉公敷治則百廢俱興矣惟宜端本不必逐末勉之勉之

所奏各項次第布置力行不間方有成效

李成龍似尚不知朕爾詳悉告之

雍正四年七月十三日湖北巡撫臣鄭任鑰謹

奏為恭繳

硃批事五月初四日臣恭具

奏摺荷蒙

皇上賜覽批發到楚臣伏讀之下仰見我

皇上睿慮周詳無微不至燭逐一

指示開導愚蒙使知遵守臣謹刻骨銘心凡屬地方一

切事件總惟實力奉行任勞任怨至於緩急寬嚴

臣當愈加小心斟酌務期得宜不敢草率以仰副

聖主加惠元元砥礪臣工之至意又蒙

皇上硃批李成龍似尚不知朕爾詳悉告之欽此臣遵

赴督臣李成龍衙門詳悉敬告訖再臣前奏清界

一事內稱接壤之區有可以便民併隸等語蒙

硃批此句不解欽此臣實冒昧措辭疎晦茲謹詳悉奏

明竊惟湖北地方有犬牙相錯之地與濱江濱湖
坍漲不時之洲土兩境之民多致互爭又有日久
荒棄之土為鄰境之民開墾者藉稱舊界希圖占
奪興訟臣愚以為莫非王土何分彼此倘州縣接
壤之區有此等漲淤洲土與墾熟荒地似應察民
所便酌量地之相隔州縣城池遠近如去此縣甚

遠可以歸併彼縣管隸有益者立以新界具

題請

旨定案不特賦役盡一訟端可息而百姓可免遠赴輸
將並無推卸命盜差徭之弊矣是否有當伏乞

聖慈指示遵循所有欽奉

硃批理合恭繳謹

奏

定界以息訟端原屬善政但須畛域清晰確當不可草

率從事前論甚明今爾又復請朕指示朕思此事必得
賢能之員盡心竭力慎重周詳公平經理方足以服衆
心而止爭競於地方始為有益既云犬牙相錯則分析
甚難況濱江濱湖坍漲不時今據目前淤土定以新界
水性無常將來如或此坍彼漲又當作何區畫之處不
可不預為籌及據爾奏稱定界之後賦役盡一爭訟可
息言之似覺可聽恐行之殊不易耳當再四斟酌盡善
無弊方可措置勿因本欲便民而反致擾民也

雍正四年九月十三日湖北巡撫臣鄭任鑰謹
奏為恭繳

硃批叩謝

天恩事竊臣前奏定界一事蒙

皇上訓誨指示諄切周詳臣惟有敬謹遵循不敢草率
滋擾務期實在清楚以慰

聖懷再前

臣

摺奏土司清界與代繳上荆南道高淳奏

摺冒昧煩瑣輕瀆

聖聰蒙

皇上天恩不即貶黜容

臣

醒悟悔改

臣

接到大學士張

廷玉等書札詰責嚴切戒勉備至臣感激愧懼無
地自容自今以後惟有痛自刻責愈加恪謹竭誠
盡力以答

高厚而已

臣

謹望

闕叩頭恭謝

天恩謹

奏

汝何嘗遵朕之訓誨指示以居心行事也莫負朕恩毋忘養心殿面奏之言勉之慎之



硃批諭旨卷一百

欽定四庫全書

史部

硃批諭旨卷一百一
三

臣 永瑤 恭校

編修 臣 袁謙 覆勘

總校官中書 臣 朱 鈐

校對官中書 臣 朱 炘

謄錄舉人 臣 曹勲 祖

欽定四庫全書

硃批諭旨卷一百一

硃批周瑛奏摺

雍正元年六月初四日四川松潘總兵官

臣周瑛

謹

奏為恭謝

天恩事竊臣一介武夫至愚至賤由千把歷陞化林副

將茲蒙

聖恩簡授松潘總兵官令帶兵駐防又木多聞

命自天感激無地隨恭設香案望

闕叩頭謝

恩臣因未及前往松潘赴任即由化林領兵出口是以未敢用本

奏謝隨咨明提臣岳鍾琪代謝

天恩今行次中渡淮提臣咨覆雖未到任亦可繕摺謝恩等因並咨送臣松潘總兵官劉付前來隨於行營祇

領任事伏念

臣

本庸材過蒙

聖恩超擢駐防邊外

臣

惟激勵將士嚴加約束宣布

皇上德威務使殊方相率效順仰報

高深於萬一為此繕摺恭謝

天恩伏祈

聖主睿鑒謹

奏

覽奏知道了今賜爾戴孔雀翎以壯觀瞻聞爾為將中

僞傑其勉力自愛駐防邊外乃心力俱勞之任朕深體恤斷不令爾等空受辛勤也凡百處以安靜統綏周密防禦為貴不可報效心切輕逞兵威而生事圖功勉之慎之

雍正元年十一月初三日四川松潘總兵官臣周瑛謹

奏為恭報微臣領兵進藏日期事雍正元年十月二十三日准四川提臣岳鍾琪咨為

奏明撥兵守藏事准川陝總督密劄內開羅卜藏丹
津橫行西海或趁此前往西藏擾亂占踞皆未可
定訂本提督移文該鎮帶兵前往守藏以安人心
等因理合備咨煩為查照即將所帶兵丁一千名
自义木多起程裹帶兩月行糧兼程前往直抵西
藏固守地方安定人心所有移咨該鎮帶兵進藏
緣由本提督已具密摺

奏明等因到臣准此臣查义木多地方係通西藏大

路周環皆有羅卜藏丹津屬番誠為爐藏要衝今
准提臣移咨令臣帶兵進藏則义木多地方亦不
可不嚴加防禦臣再四思維酌留遊擊一員高麟
端暨守備二員把總二員馬步兵丁四百名協同
原駐之遊擊侯裔兵丁二百名於义木多防護軍
糧遙為掎角之勢臣謹帶領遊擊郭壽域及千把
效力人員馬步兵丁六百名大礮六位裹帶行糧
折色於十一月初三日自义木多起程直抵西藏

相機防守倘羅卜藏丹津果來侵犯

臣仰仗

聖主天威調集藏地土兵協力堵禦似可無虞但從前
大兵駐藏沿途設有臺站馳遞軍機公文近已撤
回今臣領兵進藏應否添設臺站已咨商撫臣蔡
珽酌奪外先以臣所領之兵沿途酌留數站以速
軍機所有徵臣領兵進藏起程日期理合繕摺由
驛傳齎送伏乞

皇上睿鑒施行謹

奏

據奏接准提督密咨即行領兵進藏且料理亦合機宜殊為可嘉到藏之後爾須宣布國恩鎮撫番部慰安人心一切事務與學士鄂賴會商而行仍當激勵康濟鼎隆布奈阿爾布巴等令各預備唐古忒兵馬倘羅卜藏丹津逃竄至藏併力擒剿不可使致免脫也

雍正元年十二月十九日四川松潘總兵官

臣周

瑛謹

奏為恭報微臣領兵抵藏日期事竊臣於雍正元年

十月二十三日接准提臣岳鍾琪咨文令臣帶領

官兵進藏即於十一月初三日拜發

奏摺起行前進其各兵除裹帶兩月行糧外每名仍
照副將李現光駐藏之例支領五箇月折色銀自
行買備臣思西藏自大兵撤回之後並無管理糧
務之員是以於义木多糧務處借支軍需銀八千
兩交遊擊郭壽域隨營經理設有需用之處就便

動支統俟旋師之日臣造冊咨送撫臣於各官兵

豈有

是理此語可謂笑談矣

因沿途山峻雪深計行四

孤軍

俸餉內扣除還項再臣因

沿途山峻雪深計行四

十五日於十二月十八日始抵西藏當有達賴喇

嘛差貝子噶隆等迎接據稱貝子康濟鼐尚在阿

里地方我等聞得西海羅卜藏丹津擅動兵馬占

踞察漢丹津地方就是他悖了

聖主隆恩只怕天也不容我等與達賴喇嘛公同差人

去講說去了尚未曾回來前蒙

欽差各位大人傳諭預備兵馬我等商議著公隆布奈
帶領土兵八百名往哈喇烏蘇防守要緊口子又
派下唐古忒兵馬一萬聽候調遣今又蒙發大兵
到來防守招地我等大小喇嘛百姓人等都是歡
喜感念

聖主隆恩始終為我黃教等情臣始抵西藏其一切防
禦機宜臣偵探如有確實聲息即會同駐藏官
員及貝子噶隆等鼓勵兵番合力堵禦外所有微

臣領兵抵藏日期及安定人心緣由理合繕摺奏聞謹

奏

覽奏朕深為嘉悅爾於嚴冬草枯之際帶領官兵遠赴西藏勞瘁實甚朕殊憫恤之至且料理一應機宜亦皆得當事平之後朕自越格酬答爾之優等勤績茲因路遠不便頒賞多物特賜內製珐瑯管翎子暨平安丸一匣此藥和平效驗兵弁內或偶遇寒暑侵犯按照方引

服用無不愈也特諭

雍正二年六月二十九日四川松潘總兵官

臣周

瑛謹

奏為恭謝

天恩事雍正二年六月二十日臣於西藏接閱邸抄仰
蒙

聖主洪恩賞臣一拜他拉布勒哈番又平定西藏及蕩
平郭羅克案內議敘授臣左都督職銜臣聞

命自天感激無地又於臣奏摺內荷蒙

皇上硃批嘉獎

賜臣翎子并平安丸藥臣俱恭設香案望

闕叩頭謝

恩訖伏念臣何人斯疊沐

聖主殊恩有加無已惟有殫竭駑駘力圖報效

臣謹遵

聖訓與學士臣鄂賴會商得哈喇烏蘇乃西海要隘不

可不慎加防範雖派唐古忒兵八百名今隆布奈

帶領在彼防守恐不足倚重又派叅將郭壽域等帶臣所領之兵一百名偕往協同防禦又派貝子康濟鼐宰桑阿旺云登帶伊部屬二百名遠行偵探又因哈喇烏蘇起至木魯烏蘇止內有納克樹餘樹等一帶住牧番夷多有羅卜藏丹津部屬設被大兵殺敗逃匿前來在此嘯聚亦大有關係隨派委叅將趙儒帶領弁兵同噶隆頗羅奈等帶領唐古忒兵丁前往相機勦撫並確查羅卜藏丹津

蹤跡臣等一面遣發一面報明撫遠大將軍公臣

年羹堯在案今仰仗

聖主恩威遠播納克樹餘樹等處土目圖爾古特台吉
額爾得尼吉隆丹仲等咸皆傾心投誠共計一萬
三千六百餘戶臣等俱造冊呈送撫遠大將軍定
奪彙

奏其叅將郭壽域等於哈喇烏蘇亦招撫部番四百
餘戶並盤獲西海潛逃來藏之逆黨阿類正沙不

隆等二十餘名及羅卜藏丹津於去年差來西藏
之宰桑蝦諄他喇等九名又吹拉克諾木齊差來
之委正台等四名均遵大將軍令諭臣等會同悉
行正法示衆其中有牽連之唐古忒蠻人更敦爾
吉兔等數名亦分別輕重懲處尚有在西寧投誠
之貝勒彭蘇克王渣爾等差來之徹慎朗章巴等
九名俱係貝子康濟鼐等具保安插訖所得牛羊
馬匹軍器等物臣等仰體

皇仁均賞給唐古忒出力之人於是西藏人民咸皆感

頌

聖主天恩保護黃教撫善殲惡無不合掌稱慶從此普

天之下永享昇平悉荷

皇恩之賜臣復飭令郭壽域同隆布奈等謹防隘口嚴

加盤查遠行確探外所有臣同鄂賴在藏會商防

範及撫綏事宜理合奏

聞伏乞

皇上睿鑒謹

奏

覽奏朕甚嘉悅此番西海之事實出望外皆仰賴

聖祖在天之靈垂護默祐暨爾等封疆諸臣忠勤任事之
所致也每一念及爾等勞績不知如何加恩方於朕心
始慊耳

雍正三年七月二十六日四川松潘總兵官臣周

瑛謹

奏為恭報微臣奉文自藏撤兵起程日期事雍正三年五月十四日奉前督臣年羹堯令內開照得策妄既經歸順西海亦已蕩平則西藏路遠未便久駐大兵應將松潘鎮帶領駐藏之兵盡行撤回但料理西藏事宜現在酌議請

旨俟後檄一到即分頭料理明白將西藏之兵撤至乂木多該鎮帶兵五百名會同雲南提督沿途查勘地界乍了巴塘應各留兵三百名委遊擊各一員

管領駐劄直至裏塘其地界之歸川歸滇各從其相近者以為準事畢之日該鎮即帶此五百兵馬暫駐裏塘彈壓其餘兵丁不在派留之數者先行撤回並移知駐藏員外郎常保一同撤回等因到臣遵奉在案今於雍正三年六月十九日承准署督臣岳鍾琪照會令臣會集貝勒康金鼐貝子阿爾布巴公布隆奈噶隆頗羅奈索諾木達爾扎等宣布

皇仁明白開說令伊等務須和衷辦事於阿里克及噶爾藏胡秦木魯烏蘇康巴一帶隘口派撥土兵遠行哨探加謹防守仍令貝勒康金鼐與喇荅格杆時通信息和好如前各守封疆該鎮即班師回川並將各遵行緣由具文報查等因到臣臣同駐藏員外郎臣常保會集貝勒康金鼐等同至達賴喇嘛處宣布

聖主浩蕩仁恩將奉行事宜逐一明白開誠曉諭當據

康金鼐等俱各感戴遵奉臣隨取具伊等同心辦事不致有誤地方夷字甘結咨呈署督臣岳鍾琪備查外臣隨即行調駐防裏塘遊擊鄧國棟迅赴乍了接管留原駐之兵三百名併行原防巴塘遊擊徐天鳳亦於巴塘原駐兵內留兵三百名仍駐巴塘其餘兵丁不在派留之數者令副將郭壽域等帶領回川交代各營操防臣將駐藏官兵帶領於雍正三年七月二十九日同常保自西藏起程

俟抵义木多時臣即會同雲南提臣郝玉麟將新
舊投誠部番地界歸川歸滇之處公勘明白另具
奏

聞臣即帶兵五百名暫駐裏塘地方所有臣奉文撤兵
自西藏起程日期理合繕摺奏

聞伏乞

皇上睿鑒謹

奏

覽所奏各項機宜俱經備悉領兵塞外兩易星霜卿過
勞矣朕實嘉之恤之莫能去懷

同日又

奏為微臣戀

主心切恭請

陞見事竊臣荷蒙

聖主隆恩補授松潘總兵官帶兵駐劄义木多續又領

兵進藏迄今二載有餘仰仗

聖主天威遠播唐古忒一帶地方安靜茲奉文撤兵則

臣瞻

天有日但犬馬依戀之忱積中已久臣思臣到义木多
時會同雲南提督郝玉麟查勘地界分隸新舊投
誠部番歸川歸滇均係

國家版圖臣等面加確議可以旬日而定即至裏塘
一帶番部又均係久經向化者臣到彼調集各處
番目宣布

聖主浩蕩仁恩獎賞撫綏令其安靜住牧臣在彼暫駐
則事無不就緒者惟查义木多乍了巴塘均駐有
官兵而裏塘與打箭爐相隔不遠即係化林協汛
地若蒙

聖恩准臣赴京

陛見臣即就近將化林中軍守備調赴裏塘將臣所領
之兵令其暫行管領則聲氣相通足資防範臣減
從輕騎自打箭爐進口馳赴

闕庭仰觀

天顏跪請

聖訓庶臣犬馬戀

主之心得以稍慰矣為此繕摺

奏請伏乞

皇上睿鑒施行謹

奏

已用爾為提督矣到任料理年餘候旨召見可也朕亟

欲與爾相見但爾鞍馬過勞宜暫歇息何必匆遽其遵
旨毋違

雍正三年十二月初二日四川提督臣周瑛謹

奏為借支軍需銀兩事竊臣於雍正元年十一月內
自义木多移駐西藏曾那借軍需銀八千兩帶往
以備緩急動用於臣恭報抵藏摺內聲明嗣於雍
正二年閏四月內遊擊高麟端等自义木多奉調
帶兵進藏又借解來藏軍需銀五千二百兩前後

共銀一萬三千二百兩因在藏日久各弁兵遇有
缺乏之時臣不得不量為接濟各弁兵共借過銀
六千四百四十五兩臣於雍正二年八月內奉文
同貝子康濟鼐率領漢番兵馬前赴克里野沙拉
達魯地方會剿逆夷臣於異域興師又不得不以
闊大示之凡一切漢番弁兵之賞犒及給康濟鼐
噶隆等之銀緞鞍馬並高麟端等領兵回义木多
與各兵雇烏拉馱載之腳價以致將此項銀兩用

無存剩今臣已回兵抵省則前項銀兩應行清楚
還庫但各弁兵駐防異域方回仰懇

聖恩准於雍正四年各弁兵應得俸餉內分四季除還
如此則

國帑不致虛懸而各弁兵亦感沐

皇仁於靡既矣至臣動用之項伏懇

聖恩准將臣提督任內之俸薪親丁銀兩酌留養贍之
外陸續填補還項為此繕摺奏

聞伏乞

皇上睿鑒施行謹

奏

將周瑛所奏支用過銀兩免其賠補該部知道

同日又

奏為奏明事竊臣在藏撤兵因各兵馱載馬匹俱已
倒斃軍裝行李力難負運值達賴喇嘛感荷

聖主隆恩令貝子噶隆等給臣所領駐藏及沿途安站

之兵六百名每名給銀二兩共銀一千二百兩又
差喋吧一名七登及中科二名於沿途催調烏拉
給兵馱載並備辦口糧各處番人歡欣樂助直至
义木多實皆仰荷我

皇上恩德覃敷無遠不屆之所致也又臣於西藏起程
時撫臣王景灝捐銀五百兩備臣回兵沿途賞番
之用及臣至义木多會同郝玉麟查勘地界凡新
舊投誠番目俱皆調集亦必須獎賞撫馭撫臣王

景灝又囑令管糧知州李喬林預備緞綾布疋茶
葉銀牌等項計銀一千兩之數交臣應用臣沿途
宣布

聖朝德威加賞撫馭而各番目均皆踴躍頂感

皇仁臣逐一撫綏悉令其回巢安靜住牧外所有達賴
喇嘛給兵銀兩馱載並撫臣捐備賞需情由臣謹
具摺奏

聞謹

奏

此所奏知道了進藏借支過軍需銀兩概免扣除還項
另旨從部頒發

雍正三年十二月二十一日四川提督臣周瑛謹
奏為恭謝

天恩事雍正三年十二月十九日臣家人齎捧

聖主硃批奏摺併蒙

恩賜元狐煖帽法瑯管孔雀翎子到川臣隨郊迎至署

欽定四庫全書

硃批諭旨

卷一百一

十八

恭設香案望

闕九叩跪領訖伏念臣邊末武夫至愚極陋荷

溫旨之頻頒蒙

珍物之疊賜臣何人斯仰邀

聖恩榮寵至於此極惟有竭盡駑駘勉愚忱以期上

報

皇恩於萬一耳為此繕摺恭謝

天恩伏乞

皇上睿鑒謹

奏

覽奏謝知道了條奏藏中事宜識見甚屬錯謬另有旨
矣爾第遵旨而行作速回任今調路振揚來京陞見署
理印務之人爾同岳鍾琪一面會商委攝一面奏聞

雍正四年三月十六日四川提督臣周瑛謹

奏為奏明酌減公費名糧事竊臣查川省各營向來
存有公費名糧以充製造旗幟鑼鍋帳房並春秋

二操火藥鉛彈及各鎮協營領餉腳價暨遣差出口盤費獎賞番目花紅等項之需舊留馬步糧一千零一十分緣連年出師不時製造軍裝解運前往費用浩繁以致不足充用經川陝督臣岳鍾琪於前任川提時代為借墊尚未清結督臣現在行提該管經識查核清理但川省各處兵馬漸次撤回軍務將已告竣公費名糧亟宜核減臣隨將所存馬糧盡行挑選步兵頂補至於戰糧亦量為酌

減計全川營伍馬步兵糧三萬六百有零每糧百
分內酌留三分二分不等戰守各半實存戰糧四
百二十八分守糧四百四十分共存戰守名糧八
百六十八分較前所存之數核減一百四十二分
行令各營作速募補以實操防而所留之戰守糧
八百六十八分約算每年應有餉米銀一萬五千
一百有零以為各鎮協營一切公務之需但川省
幅員遼濶近邊營汛甚多尚需犒賞番目不時遣

差出口及領餉腳價等費亦必於此項公費內動
用未免有有餘不足之處臣仰懇

聖恩准臣移豐補歉以公濟公俟後若漸有贏餘臣再
行核減募補倘有不肖員弁假公濟私濫行侵用
者臣即據實糾叅斷不敢私徇以負我

皇上特簡之至意也所有微臣核減存留公費名糧數
目理合繕摺奏

聞謹

奏

所奏雖屬極是極好但歷觀提鎮到任率皆具此一奏
固有如言實行者而言行不符者甚多所以朕披覽之
下頗覺煩厭只在行不在言爾果潔已奉公正身率屬
朕自有見聞無須此摺也勉力為之名糧一事天下皆
然係萬不可少者如實能以公濟公無絲毫假借兵弁
焉有不服朝廷自然體諒酌量存留以充公務之用何
妨乎所奏知道了

雍正四年七月十九日四川提督臣周瑛謹

奏為微臣查邊事竣懇

主情懇恭請

陛見事竊臣奉

旨會同副都統臣鄂齊等前往义木多一帶指授賞給
達賴喇嘛地方疆界臣等欽遵同往由打箭爐裏
塘巴塘等處確查交錯情形畫清內外疆界至巴
塘連界之邦木地方因邦木係巴塘往宗俄一帶

必由之道在奉

旨賞賜達賴喇嘛地方數內臣等確商再四應將邦木收入巴塘所屬界內隨公同勘定邦木與南登兩界之中有山名寧靜山擬以山頂立定界石情由臣等於义木多聯銜奏

聞在案今查賞給達賴喇嘛地方自南登起至碩般多止共計大小地方二十三處營官喋吧頭人共三十名總計管下番衆一萬一千八百零二名達賴

喇嘛深感

皇恩特遣貝子阿爾布巴遠迎至义木多臣等將賞賜
地方開具夷檔付貝子阿爾布巴帶回同

欽差臣鄂齊等赴藏降

旨臣即由疊爾革霍耳一帶宣布

皇仁曉諭各番逐一獎賞清查戶口回署所有收入內
地地方自裏塘巴塘起至疊爾革上納奪林蔥霍
耳束署止總計大小地方三十八處土官三十名

土目十八名戶口三萬三千二百六十七戶皆係
接壤相連應收入內地管轄臣除現在分析彙冊
咨送督臣查核具

題請授大小土司職銜頒給印信號紙鈐東部番外
一切事宜均應俟鄂齊等回川之日公同繪圖繕
冊恭呈

御覽但臣等已經出口數月恐厯

宸衷今臣先已回署謹將勘定內外戶口數目情由畧

陳具

奏竊臣更有請者臣以邊鄙庸愚屢荷

天恩超擢授以提督重任時抱蚊負之懼日深戀
主之忱伏乞

聖恩准臣懇請俟鄂齊等回川之日臣隨一同赴

闕跪聆

聖訓俾地方營務有所遵循而臣之犬馬微忱亦得少
遂矣為此繕摺奏

聞伏乞

皇上睿鑒施行謹

奏

所奏知道了據爾屢請陞見俟鄂齊等自西藏回來將
邊外一切事宜措置妥帖後有旨命爾來京見朕也

硃批諭旨卷一百一

欽定四庫全書

硃批諭旨卷一百二

硃批施廷專奏摺

雍正六年八月二十八日廣東瓊州總兵官臣施廷專謹

奏為備陳地方情形敬抒管見事竊照瓊州一府遠在天末外環滄海中處黎岐實為廣東要緊之區
臣去年十一月間於瓊州副將任內護理鎮務聞

此事

君亮餘夥需索黎人牛隻客人布疋隨經臣查訪
朕已備悉聞之

的實追贓給主盡法究處以儆刁頑總為安輯地

方撫綏黎岐起見至於整飭營伍添造甲械修理
墩臺操練兵丁皆係臣職分所當為或呈咨督撫

有棍徒王君亮帶夥伴數人皆係外籍潛藏黎內
登即嚴飭各營勒限查拏送交撫黎同知審明因
其未經為非首犯王君亮已在監病故將餘犯分
別枷責押解原籍安插又如營兵吳成因查拏王

好竭力勉為之母令人譏朕乏識人之明也
提臣或會商道府俱經次第料理惟是臣竊有愚

陋管見應請

旨敕議者敬臚列奏

聞

一瓊屬黎汎宜移駐捕巡以專責成也查先年黎
歧縱肆前鎮臣吳啓爵於勦撫之後開通十字路
穿跨黎境設立營汎扼其要口但汎弁只應責以
巡防稽查不宜干預外事乃歷年客商入黎貿易

例由文員給照汎弁驗放而此內黎人原非州縣管轄每因田畜同類相爭時向汎弁投告為之分剖彼即聽服否則或相讎殺以臣愚見應將該汎係何州縣地方即於該州縣之捕巡移駐一員與該汎千把協同稽查出入姦棍有黎人投告情事公同為之理斷分解如果黎岐悅服地方安堵或許於大計之年准其卓異倘有疎縱兵役騷擾需督撫臣酌議奏聞

言之
索捕巡有犯千把揭報千把有犯捕巡揭報從重

叅革治罪則責成專而稽察密矣

一戰船修造宜酌定屆期以備巡哨也竊照水師戰船凡遇大小修拆造原有一定年限月日難以贏縮但一營額設之船若皆同時屆修屆拆將何船隻配駕出洋巡哨如瓊州戰船八隻俱於雍正七年五月屆期大修倘一時赴廠興工則六月初一日即值下班巡哨無船可以駕配以臣愚見當於此八船內挑出尚堪駕駛四船暫時配兵出哨

將四船照期興修此挑出之四船寬至雍正八年正月興修只此次畧遲數月以後凡遇修造之期甚是

可無同時赴廠乏船配駕出哨之慮矣

一瓊府同知不宜署事他郡以重職守也竊該府同知有海防撫黎之責非如他郡丞可比臣自任

瓊州副將至今見兩任同知非因公赴省則署事此條

所見亦是
他郡本任庶務勢難遠顧臣請嗣後該府同知毋

令遠署他郡只於瓊郡之州縣間遇員缺或委署

攝庶不致遠離職任而海黎事務得以就近兼理
矣

一拔補把總宜分別水陸以收實用也竊騎射為
武弁所首重而水師營弁尤以諳練水性船務為
要臣於瓊州水師副將任內每遇把總員缺挑選
送補多有實在諳練水務之人格於不能騎射難
以送考未免屈抑遺棄臣請水師兵丁拔補把總
只考驗熟練水務步箭合式人材壯健或於藤牌

此論甚是大刀兼精一藝即許拔補把總拔補之後既有自
是候朕酌量另降諭旨
備馬匹可以練習如騎射生疎水務雖好者不得

拔補千總則水師弁員得收實用而騎射亦不致
偏廢矣

以上四條皆膚淺鄙見倘蒙

俯賜採擇伏乞

皇上睿鑒敕議施行謹

奏

覽

同日又

奏為恭懇

聖恩事竊查康熙六十年福建克復臺灣案內效力人

員蒙

皇上加恩議敘復經部行閩省考定等次定議分別錄
用臣謹據實陳明冒昧

奏懇者此案議敘功加署都司僉書內有吳祐李雄

張邦佐林山周鴻圖等五名係臣父原任福建水師提督臣施世驃歷任長隨因其諳曉水務才堪驅使帶往軍前隨師進剿甚為效力迨臣父克復全臺在軍中病故之後伊等隨衆得邀議敘茲福建督臣高其倬已將此案功加人員定議分別等次

題請分發江浙閩廣四省以千把總補用查廣東係題請分發省分臣叩乞

聖主天恩准將吳祐等五員發在臣鎮標效力得以隨時差遣俟遇伊等應得之缺聽督提二臣於通省水師千把總員缺考驗補用可否仰邀

聖恩臣謹據實陳明伏乞

皇上睿鑒施行謹

奏

日前朕所降諭旨甚明類斯題帶人員於汝等有損無益試思得五人之力失闔標之心孰多孰少既留標下

而不信任奏請何為若信任之通屬弁兵必致私生擬議乃一定之理如云才堪驅使則何省不用好員何營不可效力耶需員差遣只就本標本營訓導鼓舞作養人材而選用之為上策斯係朕數年來留心體驗所得之情形汝熟籌審計自知況此五人汝止知其漢仗膽量而已至於品行操守焉能保其兼優倘發至汝標有欺隱朦混暗為不肖處豈不貽累汝之聲名乎朕意此舉無益抑且不宜即為此五人計亦不如發交別省督

提令其隨地效力更為妥協也

雍正六年九月二十二日廣東瓊州總兵官臣施
廷專謹

奏為奏

聞事雍正六年九月初五日臣據崖州營遊擊范緯呈
報八月十三日有暹羅國洋船收到該營榆林港
查據該船夷商具單報稱暹羅國船主陳宇財副
柯晃即癸卯年押紅舨船往廣東查探貢探二船

不回暹羅情由者字等奉國王令著押紅舩船運
米到厦門發賣帶有壓船蘇木鉛錫海參烏木等
貨通船舵水七十九名番厮八名防船銅銃三門
鐵銃二門火藥二十觔腰刀三把因七月二十七
日在洋犯風發漏收到榆林港所報是實并據該
夷商稟稱船隻風帆破爛求住榆林港修整完好
俟明年三月間南風盛發復往厦門通船舵水每
人各帶有米數石丟水者無算現今近岸俱無衣

食欲將各名下米石變賣為伙食之用等情臣因
念時已秋深該船斷難駕駛赴閩且洋舶重大非
明年夏至南風成信難以開行人口衆多時日遲
久既據稱各無衣食欲就地變賣米石當即照會
瓊州府酌量許其變賣些少以資伙食并行該營

遠人慎為稽察毋使透漏業經呈咨督撫提臣在案緣
到境理宜加惠言之督撫臣實力撫恤爾亦盡心
係外國洋船飄風到境理合繕摺具

照看

奏抑臣更有請者崖州一營原係陸路然遠處極邊

外控大洋現在建設哨船三隻以佐礮臺聲援務
令常川駕出附近海面哨探巡查該營遊擊有調
遣督率之責必得諳曉之人方克有濟查新任遊
擊范緯辦事甚屬平常至於水師事務更一毫不
諳臣仰懇

聖恩請將廣東諳曉水師之陸路遊擊對調一員庶要
地收得人之效矣合併具摺請

旨伏乞

皇上睿鑒施行謹

奏

此奏甚屬可嘉候另有諭旨

同日又

奏為抒誠密奏仰祈

睿鑒事竊查瓊屬黎岐附山者原非州縣所管是謂生
黎其與土民接壤而居者則一體納糧是謂熟黎
此等黎糧雖有定額而此輩愚黎蒙昧無知每受

包攬多徵之弊甚非我

皇上一視同仁之至意茲本年九月初三日有定安縣
黎人王那小等七名先係海南衛所隸糧黎後因
裁衛歸併瓊山縣者入城赴縣遞告數日未為審
問臣緣係黎人進城著令諳曉黎語之人向問詳
悉知為控告糧頭王鄧昌將伊等額糧二十餘梃
加收至一百一十餘梃伊等難堪等語臣慮該令
楊仙椿初膺民社未悉黎情傳請至署面為開陳

必當秉公立行剖斷俾悅服速回安業以廣化導
乃該令回縣並不嚴究王鄧昌加收情由越數日
只將黎人逐回徒以隨後示禁託之空言如此施
為則該令之政績亦槩可見矣臣專司武職於黎
糧一項雖難詳其曲折但包攬多徵之弊實可瞭
然所當直抒其愚奏懇

皇上敕下督撫二臣立法清查務使愚黎得照數輸納
吏胥只按額徵收除包攬之積習絕多徵之陋弊

庶蠹爾窮黎咸沐

皇仁於無既矣為此謹

奏

此奏情節有旨命傳泰嚴察矣

雍正七年三月初三日廣東瓊州總兵官臣施廷

專謹

奏為恭謝

天恩據實陳奏仰祈

聖鑒事雍正七年正月二十五日臣齎摺家人回瓊捧到

皇上硃批奏摺兼蒙

御賜哈密瓜一圓臣郊迎至署恭設香案望

闕叩頭謝

恩祇領訖伏念臣智識短淺謬以閩省克復臺灣案內功加吳祐等五員係臣父舊用之人冒昧

奏請隨標效力荷蒙

皇上不加譴責

訓誨周詳臣不勝銘肝鏤膈感激涕零自念恭承

聖訓即使從茲微開智慮竭蹶駑駘深恐難酬

高厚於萬一合將臣感激愚誠繕

奏叩謝

覽
天恩抑臣更有據實

奏明者瓊州水師協營為臣所轄屬而該協副將李

振麟係先年跟隨臣祖施琅克復澎臺功加為臣

父施世驃長隨多年後因議叙功績補用廣東大
鵬營叅將於預行保舉案內兵部

題補今職又該協左營守備翁繼勲係臣妻舅右營
守備王喜係臣表兄俱以千總預行保舉先後引
見註冊兵部掣籤具

題補授計該協之副將一員守備二員皆臣親舊臣
固倍加訓飭共圖報效不敢絲毫徇情私庇致負
皇恩惟是屬在統轄顧念引嫌臣心甚所不安理當據

實

奏明伏乞

皇上睿鑒施行謹

奏

果能秉公持正不被人所談論彼此同心協力互相勗
勉豈特親舊無妨便父子同官乃極好之事今汝如欲
避嫌原可言之督臣將伊等就近調用別營但汝祖父
以來三為水師統帥必求總非親舊無涉之人方為屬

員亦恐難得朕從前有公中私中公之諭最為詳切
遵奉朕訓而行有何不安之處惟是汝等水師閩籍將
弁操守二字俱不堪問汝當奮發猛烈心志以廉隅自
勵不可蹈此卑污之習也

同日又

奏為奏

聞事竊照暹羅夷船在洋被風飄泊崖州榆林港緣由

經臣繕摺奏

聞荷蒙

皇上睿鑒批示奉到欽遵訖伏查臣當日據崖州營呈報隨即行回查明船主財副暨通船舵水人等是否俱係彼國夷人其中有無中國人氏飭查去後未據報覆因恐稽延日久敬即繕

奏續據遊擊范緯覆稱詢據船主陳宇等單開船水七十九名俱係中國人惟小廝八名係是夷人并呈據陳宇等單報九月二十五日颶風大作掟索

三門俱斷將船打上淺水觸破艙漏水滿米石貨物俱皆壞爛鉛錫烏木壓在艙底難起等情臣當即飭行該遊擊會同文員加意撫恤安頓在案詎意該船自飄泊至擱破之後通船舵水人等沾染瘴氣不服水土陸續病故十名其餘各懷疑懼四散而去臣遙接閩邸抄內兵部為欽奉

上諭事九月初一日奉

旨查康熙五十六年禁止南洋貿易案內經九卿議定

嗣後如有出洋之人留在外國者該督撫行文外國將留下之人令其解回即行正法後經施世驃題請蒙

聖祖仁皇帝特恩令康熙五十六年以前出洋之人俱載回原籍隨於五十九年內福建浙江等省奏報出洋回籍之人將及二千名嗣後則再無奏報回籍之事是五十六年以前出洋之人其願回籍者皆已陸續返棹而彼地存留不歸者皆甘心異域及五十六年

以後偷往之人矣目今洋禁新開禁約不可不嚴以免內地民人飄流之漸其從前逗留外洋及違禁偷往之人不准回籍餘依議欽此恭繹

諭旨嚴切明晰伏思該船舵水既係中國民人則其中或從前逗留彼地及近年方往其國俱難懸定雖伊等自洋開行在未奉

旨之先似可仰邀免究但事關洋禁應仍咨督撫二臣聽其裁奪乃該地文武因未奉通行一任散去臣

於接報之頃即飛飭沿海協營嚴行盤阻并加意
撫恤聽候督撫裁奪外至陳宇押來船隻米石臣
傳喚陳宇面詢據稱所押係該國王船隻米石俱
已壞爛現存些少并撈起貨物變價無多不足修
船之用擬令財副柯晃赴省城向

貢使取銀修船駕駛回國臣隨面商瓊州府給照差
役伴送柯晃前去矣除俟該船修整完固駕駛開
行回國日另摺具

奏外緣係夷船飄泊到境攔破舵水人等散去情由
合先繕摺奏

聞伏乞

皇上睿鑒施行謹

奏

此必係撫恤不周以致散去外國遠夷聞之成何體統
應令將散去情由一一據實詳明該督撫著嚴行叅奏
似此違旨奉行不力之事萬不可捏飾疎縱以圖苟且

完結特諭

瓊州鎮總兵施廷專年少輕浮舉動乖張如縱容百總文秀搶奪番商月旺等船貨銀物毫無約束又縱容崖州把總陳奇才在瓊州城內姦淫民婦東排孀舊州孀又縱容鎮標兵丁洪吉王隆等乘蒙有章合婚之夕將有章夫婦綑縛搶奪槩不斤革查究各有詳案可據伏思瓊郡孤懸海外歷來民弱兵強全賴鎮臣加意防範

不偏不黨庶使兵知法律民樂昇平今施廷專
不能撫恤窮黎一味養驕悍卒在地方絕無裨
益在營伍日長澆凌

今有人如是叅奏汝之款跡且不特此也更於他處訪
聞汝囿於紈袴之習一味任性使氣袒護不法兵弁逞
兇犯科將吏治民生竟視為膜外毫無顧惜似此負恩
溺職曾未捫心一自問乎汝年甫離童稚蒙朕不次超
擢委任封疆置於大臣之列者蓋念汝世受國恩必能

繼汝先人之志斷不辜負主恩之故也豈料忍心害理
至於斯極在他人不過止於不忠汝則更加一不孝之
罪矣朕因汝年幼無知此次姑予寬恕向後若不痛自
改悔黽勉策勵仍然自以為是飾非怙惡則汝非施琅
之後裔也揆之天理人情便加以重譴朕心亦無歉處
慎之慎之大凡不可以告

天之事莫為不可以對朕之念莫存公私須要辨明是非
尤當認確能如此庶幾不失居官為人之根本否則朕

一番望汝之心深屬可惜汝其謹誌毋忽

雍正七年八月十二日廣東瓊州總兵官臣施廷

專謹

奏為恭謝

天恩事雍正七年七月十六日臣家人自京齎捧

御賜平安丸五百九到瓊臣即望

闕叩頭謝

恩祇受訖竊臣待罪海疆寸長未效蒙

皇慈優渥賞賚頻加瓊州處在極南風土迥異內地我
皇上賜以上方良藥臣推廣

隆恩分給所屬水陸將士祛病回春取效如神海外兵
民共邀平安之福皆

皇仁所被也臣受此

異數當益凜冰兢竭忠盡力并勵所屬將領恪供職守
以冀仰酬

高厚於萬一而已為此具摺奏謝

天恩伏乞

睿鑒謹

奏

總兵誤用匪人貽害非淺豈此數丸藥力遂能令兵民
共邀平安之福耶

同日又

奏為欽遵

聖訓并繳

硃批事竊臣前奏暹羅夷船擱破水手散去一摺蒙

皇上硃批嚴諭查叅仰見

皇上軫念遠人之至意臣即嚴檄崖州營遊擊將不能
撫恤致令散去情由從實揭報現據該營詳覆前
來臣經呈咨督撫二臣聽候核叅外至於文職應
聽督撫嚴察

題叅其該夷船據報已經修整完好雇添水手於此
七月十六日開往廣省欲俟伊國

貢使一同回暹合將遵奉

諭旨緣由具摺

奏覆併繳

硃批謹

奏

不妥協處豈止此一事而已也

同日又

奏為奏

聞事雍正七年正月初七日據瓊州水師協副將呈報
香山澳夷船戶月旺等駕船一隻欲往安南貿易
於雍正六年十二月二十九日遭風飄至會同縣
潭門港打破臣經通報督撫提臣并行該副將作
速安頓撫恤去後嗣於二月十一日據該副將呈
報兵丁吳超凡民人楊鍾秀等各赴營縣控訴搶
奪番貨已將該汛百總兵丁送縣審訊臣正俟該
縣如何審覆間隨於十五日據夷人月旺赴臣具

呈伊船撞損時衆人上岸搭伴何庇官自己到百
總處講話旺在海邊見有四隻小船從大船邊撐
出內三隻往百總那邊去還有一隻有戴紅纓帽
的人同何庇官在上旺船有緞八十疋銀器五百
兩庇官只交緞八疋銀器五件餘都不見今懇乞
究追小船搬去之貨等因臣查夷人詞內雖未指
出營兵而按其情節何庇官明有串通百總情弊
即移會道府行究去後而該副將亦先遣人往百

總文秀家中查看有無寄匿番貨經遍搜無有文
秀因抱憤抹頸賴在旁兵丁救起臣隨行令醫痊
將該百總及吳超凡等十一人革除名糧解交有
司嚴行研訊緣此案當時虛實未定是以臣前次
摺內未敢冒昧具

奏近接府覆已經訊明追贓定擬通詳合將情節奏
聞又本年八月初三日據水師協副將報有暹羅船主
李萬受等奉伊國王命駕船載米三千石并壓艙

蘇木等貨前往廣省貿易因南風之信已過難以
駕駛到省於閏七月三十日就文昌縣七里洋面
灣泊現撥弁兵前往防護臣思該洋面非泊船之
所即與道府面商如夷人欲開行往省則聽其便
如願就瓊地貿易則須移泊內港以免風濤衝擊
之患茲夷人現在雇倩小船剝起貨物俟船載稍
輕方得駕入港內臣諭令營弁小心照看毋許姦
棍誑騙騷擾以仰體我

皇上柔遠至意再者瓊地各州縣風雨調順惟瓊山縣
近城地方七月間雨水稍遲閏七月初甘霖即沛
臣遣家人各處查勘田禾問之農民俱云無害今
晚稻將已成熟米價甚平黎岐安堵海疆寧謐合
將情形具摺奏

聞謹

奏

今已調爾離瓊該鎮地方一切總與爾無涉矣

硃批諭旨卷一百二

欽定四庫全書

硃批諭旨卷一百三

硃批袁立相奏摺

雍正元年六月二十五日山西太原總兵官臣袁

立相謹

奏為恭領

聖訓叩謝

天恩事雍正元年五月二十一日兵部筆帖式巴雅爾

圖齋到

聖訓十冊頒賜總兵叅遊等官到臣臣即率同城各官
郊迎至署恭設香案叩頭祇領捧讀之下仰見我
皇上訓誨周詳使愚魯武臣咸知遵守曲全矜宥無所
不至隨將齋到

聖訓分頒各營去後茲節據各營叅遊等官具文回報
奉到

聖訓日期并頂感遵守緣由前來理合繕摺叩謝

天恩謹

奏

知道了

爾請發遊擊一摺已交該部諭令揀選優者發往所請
甚是

雍正元年六月二十八日山西太原總兵官臣袁

立相謹

奏為叩請

聖安事雍正元年六月二十五日頒

大行仁壽皇太后遺誥到臣臣即率同城各官郊迎至署
跪接之下俯伏涕零五內摧裂仰惟

聖主前當

聖祖仁皇帝升遐之時孝思純篤哀毀過情今又遇
皇太后大故悲切逾常伏念

聖躬為

社稷蒼生所倚賴叩乞少節哀思勉加保護以慰天下

臣民之心抑臣更有請者臣受

恩深重逾於常格今

皇太后龍馭上升分應趨謁

梓宮泥首哭泣以盡私衷緣身膺軍旅重任不敢冒昧伏

乞

皇上准臣單騎入京庶臣殷殷依戀之私得以稍釋為
此繕摺叩請

聖安伏候

敕旨謹

奏

不必來京爾初到任正在整理地方諸務豈可擅離職
守所奏知道了

雍正元年七月十一日山西太原總兵官臣袁立
相謹

奏為奏

聞事竊臣准撫臣諾岷移咨內開特奉

恩綸以現在平陽等處米價尚貴恐兵丁錢糧不敷用
度

命撫臣同臣查明前項所借銀兩如係實欠在兵即暫
停扣還俟秋成之後再行補扣臣隨轉行各營欽
遵去後各營兵丁一聞

皇上恩旨無不歡忻頂戴俱各望

闕叩頭謝

恩并懇轉詳代

奏前來除將實欠在兵并衆兵懇請代謝

天恩緣由咨移撫臣諾岷具疏外伏惟我

皇上仁恩育物無所不至因山西米價昂貴時廩

聖懷前者

遣官賑濟俾黎民無致失所茲復將兵丁借欠銀兩寬

期扣還

聖恩優渥上感

天和現今雨暘時若秋禾暢茂臣細查各郡田畝均勝往

年豐收可望闔省兵民皆仰頌

聖主厚澤深仁歡呼靡既為此繕摺謹

奏

知道了晉省數年以來兵民甚苦須賴爾等文武大員
曲加體恤必令各得其所方不負朕之委任也勉之

雍正元年九月二十一日山西太原總兵官臣袁

立相謹

奏為奏

聞事竊查晉省自六月初二日得雨之後甘霖屢沛禾黍盈疇今值秋成臣即各處查看其間地土雖分肥瘠而通省均屬豐收萬姓盈寧歡呼徧野茲據農民呈送雙歧穀穗到臣臣不勝歡忭踴躍見萬民康阜之休實我

皇上聖德昭格之所致也為此繕摺奏

聞謹

奏

據奏秋成豐稔知道了全在爾等封疆文武大臣安輯
兵民有以感召

天和自必年年獲蒙

上蒼之垂佑也

雍正元年十一月初一日山西太原總兵官臣袁

立相謹

奏為遵

旨保舉能員以資臂指事竊臣蒙

恩調補山西太原總兵官趨赴

闕廷叩謝

天恩跪請

聖訓之時面奏

皇上太原非題補地方若有才能官員容臣保舉蒙我
皇上面諭如有好官具摺保奏并將合例與否之處摺
內聲明欽此仰見我

皇上立賢無方之至意今有臣屬蒲州營遊擊缺員例

應聽候部推但查蒲州一營地接陝豫山多險峻
抑且土俗人情頗稱狡悍非久任晉地熟習之員
不克勝任今有臣標左營中軍守備張起雲平陽
營中軍守備桂棲鳳蒲州營中軍守備茅典此三
員者俱各才技優長熟習風土均堪補授蒲州營
遊擊查守備張起雲桂棲鳳原籍山西均係由千
把

題補守備之員今臣保奏與例不符謹遵

旨聲明除給文各弁赴部聽候引

見外理合繕摺請

旨謹

奏

蒲州營員缺朕已諭部停推爾與撫臣諾岷會同酌定
一員援旨具本題奏可也

雍正二年正月初九日山西太原總兵官臣袁立
相謹

奏為恭繳

上諭事竊

臣

前因蒲州營遊擊一缺地方緊要將守備

張起雲桂棲鳳茅典具摺保

奏給咨赴部引

見奉到

硃批諭旨

臣隨咨明撫臣俟守備張起雲等回平咨送

揀選今於雍正二年正月初七日蒙兵部劄付內

開奉

旨著茅興補放此三人俱去得著行文該處欽此欽遵

劄付到臣所有

硃批諭旨理合恭繳謹

奏

所奏知道了自爾到任以來雖無甚大不好處總未聞有與地方營伍興利除弊之好聲名若只如此庸庸碌碌豈不大失朕用人之意耶勉之

雍正二年三月十六日山西太原總兵官臣袁立

相謹

奏為據實奏

聞事竊臣屬各營自康熙四十二年前鎮

臣馬見伯任

內存留公費糧三百零八分以為大小二十八營

一切應辦公事及各項修補軍械旗幟之用該

臣

看得此項空糧雖向為各營公費但未經奏

聞實屬虛冒

臣

隨嚴飭各營即行招募今已募補過二

百四十八分查各營一切軍器等物去年俱已修

製齊備至於鑼鍋帳房亦無庸每年修理惟火藥鉛彈二項乃各營春秋操演必需之物費無所出尚有未補名糧六十分應否留作火藥鉛彈之用臣未敢擅定伏乞

皇上睿裁遵行謹

奏

爾等未嘗學問之人料理事務非過則不及此事與撫臣諾岷商定一同具奏諾岷非尋常庸碌之人爾宜事

事虛心與伊斟酌而行可保不至錯謬若但勉順朕旨
貌恭而心不服仍屬無益爾等共事一方若辦理妥協
彼此有益湏文武一體虛已服善方為同寅和衷之道
古人尚有以能問於不能者何況才識遠過於已者乎
爾若心悅誠服則遵旨而行倘或不願朕亦不相強也
特諭

雍正二年四月二十二日山西太原總兵官臣袁
立相謹

奏為奏

聞事竊臣於本年三月二十八日自平陽起程由潞澤沁州權店遼州和順孟壽樂平太原交城靖安汾州石樓靈石等營查點馬步兵丁衣帽什物旗幟俱屬鮮明齊全操演鎗礮技藝可有五六分內雖有生疎者再有年餘俱可純熟查驗存營盔甲帳鉞斧水袋風匣火藥鉛彈一切行營器具俱各齊備再各營俱係防汛應差兵丁並無老弱充數

至於各官隨丁臣前准撫臣移文俱照

題定盛京烏喇等處之例定額餘俱挑選精壯補足

臣點兵至太原撫臣留臣看撫標太原三營演陣
先後進退有紀有律甚得訓練之法臣於四月十
九日回署俟秋收之後臣再往西南各路查點今
將查點過東北路兵馬緣由先行

奏明謹

奏

如果言與行符有何可諭勉力為之朕自能照悉也

雍正二年閏四月二十四日山西太原總兵官臣

袁立相謹

奏為叩謝

天恩事竊臣前因清理營伍

奏請留公費糧六十分一摺奉到

皇上硃批臣捧讀之下感激彌深隨叩頭恭謝

天恩遵即差員會商撫臣謹將會商酌定緣由公同具

摺請

旨遵行外伏念臣生長邊方愚魯無似荷蒙

聖主擢任封疆祇因才識短淺實非過則不及仰承

聖訓指示令臣事事與撫臣商酌庶幾不致錯謬臣惟

凜遵

諭旨虛已和衷悉心商酌以仰副

聖主諄諄垂訓之至意也為此具摺

奏謝謹

奏

知道了凡百處內外如一心口相應方驗自修之實

同日又

奏為請

旨事竊臣前摺

奏請留公費糧六十分以為鎗礮火藥之用

皇上硃批與巡撫諾岷商定具奏欽此臣即差官會商

撫臣諾岷今臣等會同酌議得太原鎮屬衙署共

八十處其旗幟盔甲鑼鍋帳房以及汛防窩鋪并
每年春秋更換伏路黃旗現今雖已齊備但年年
不無修補且凡奏銷造冊等項均有費用若不稍
留有餘以備用恐各營將弁又滋借端扣剋之弊
反為不便臣等愚意除留備鎗礮火藥六十分空
糧之外再留六十分以為各營添修軍裝器具奏
銷冊籍等項不時之需年終將動過銀兩款項數
目具摺奏

聞庶將備無端可借而扣剋之弊可杜矣如是試行一年應否損益再行據實

奏請是否允協伏乞

皇上批示遵行謹

奏

總在爾秉公酌理料理合宜耳所奏知道了

雍正三年六月初一日山西太原總兵官臣袁立

相謹

奏為奏

聞事竊

臣

與前撫

臣

諾岷公同會商除留演放鎗礮製

備火藥鉛彈空糧六十分外再留公費糧六十分
以為添修軍裝器具奏銷造冊等費試行一年應
否損益再行據實

奏請一摺蒙

此事

在爾等秉公權宜為之密奏朕知則可若借詞濫

皇上俞允

臣

方行

令各營

於辭

故兵

丁內

收補

隨委

臣

奉俞旨

而行則大謬矣朕代天理物何暇經營爾如此

標中軍

遊擊

李順

總司

出入

去後

今一

年已

滿據

標中軍遊擊李順總司出入去後今一年已滿據

細事真武夫不識大體粗鄙之至倘料理少有不協致
署中軍遊擊張起雲將各營春秋操演鎗礮使用

被參

論時

宜可

云曾

經請

旨與

已無

干耶

過火藥鉛彈并餘剩數目各清冊彙造呈送到臣

據此臣查各營共計餘剩火藥一千九十斤四兩

鉛彈大小五百九十八箇臣俱飭令各營存貯如

此每年積貯倘有應用之處於營伍大有裨益又

據該署中軍報稱再留添修軍裝公費糧六十分

自雍正二年六月起至今年五月止一年已滿陸

續收補至五月方全只收過銀四百八十四兩三

錢零并造過數目清冊造送到臣據此臣查冊內
陸續收補每月有收二三分四五分不等只收過
銀四百八十四兩三錢零查臣前奏請將此項銀
兩打造子母礮二十位共使銀五百二十五兩三
錢五分除將公費糧使用訖尚不敷銀四十一兩
零俟六月餉出補足臣再加核算此項添修軍裝
銀兩自雍正三年六月起以後每年合算共該收
銀八百一十四兩二錢零臣按大小各營兵數酌

那得

工夫看爾 零俟六月餉出補足臣再加核算此項添修軍裝
工夫看爾 銀兩自雍正三年六月起以後每年合算共該收

定分給以備公用外臣留銀二百兩界解不地以備修理衙

署一切公事之費似無不敷之虞其火藥鉛彈各

營亦有餘剩飭令加謹收貯伏候

命下之日以便備造清冊每年報部存案為此繕摺分

析奏

聞謹

奏

報部自應報部若以奉旨用空糧製辦等語具文則成

千古笑談矣

雍正五年八月初七日山西太原總兵官臣袁立
相謹

奏為奏

聞事竊臣前因澤州地方有匪人聚衆一案業於據報
之初即行奏

聞外臣隨飛檄潞澤營叅將張茂帶兵一百名駐劄澤
州協同地方印捕各官緝拏今已陸續獲解犯人

焦明山等三十六名聽候

欽差同布按二司嚴審外尚有在逃未獲犯人楊副將等一十二名現今澤州多添捕役同汛兵協同緝拏茲據潞澤營叅將張茂呈報已逃之犯現在協力擒拏澤州地方委係安靜查潞安存城兵丁無幾況今正在秋操之時請將撥澤駐防之兵四十名仍留駐澤州其餘帶回操練等因到臣該臣查得現今澤州地方雖係安靜但遽將潞澤營叅將

并所帶之兵令回本營則止留原駐之兵十名并
臣於本年三月間會

題撥澤之兵四十名共兵五十名把總一員當地方
有事之餘恐尚不足以資彈壓臣為地方起見仍
懇

皇上洪恩或照臣原

題案內將潞澤營中軍守備移駐澤州仍將東塢西
塢嶺營各撥兵十名協濟澤州或另設守備一員

量添馬步守兵三四十名於地方更有裨益伏候

皇上睿裁

批示遵行謹

奏

自必因爾措置不協所以部議不准如果見得透信得真何妨據情再題但不必因此小事遂張大其詞耳至潞澤營原屬緊要守備即係中軍何又分作兩事若必應添設或移駐或添員均非摺奏可了之事朕未洞悉

情形如何遽立主見耶

雍正六年三月初十日山西太原總兵官臣袁立
相謹

奏為密奏事竊臣據蒲州協副將薛鳳翼呈為稟報
事雍正六年三月初五日本職聞得蒲州崔知州
絳州萬知州在臨晉縣緝拏脫逃監犯張臣等一
案本職即差中軍守備帶兵赴縣暗中彈壓今據
該備稟稱據駐防臨晉縣把總稟稱本月初五日

有蒲州崔知州帶領衙役壯丁前赴張村查拏師
刑絳州萬知州帶領衙役壯丁前赴角杯村查拏
張臣署臨晉縣杜知縣帶領衙役壯丁前赴咎村
查拏樊中花張村咎村聚集少壯數百餘人各執
鳥鎗刀棍逞兇拒捕殺傷衙役壯丁其角杯村張
臣雖未拏獲亦未拒捕等情到職擬合詳報據此
臣即飛檄臣標左營遊擊胡海帶馬步兵丁三百
名前赴蒲州臨晉縣地方會同蒲協官兵相機嚴

拏拒捕各犯外臣思地方一有事故武弁固有會
緝之責但文員每以武弁粗率無知必須聽其指
示即間有才畧出衆自立主見者又輒蹈文武不
和之咎所以地方公務每致耽延今臨晉姦民拒
捕殺傷衙役壯丁臣以地方緊要雖經飛咨撫臣
去後然不及接准撫臣回咨立即調遣官兵前往
相機嚴拏倘官兵一至如再似前抗拒勢不得不
為相機勦捕如果悔罪畏法即可嚴拏首犯諭解

附和人等俟拏獲各犯之日另摺再

奏外謹此繕摺奏

用謹

奏

據石麟已奏過所奏知道了詳慎為之萬不可濫及無辜尤不可姑息隱諱於二村之四達路口當嚴防其免脫莫令一人遠颺

雍正六年三月十六日山西太原總兵官臣袁立

相謹

奏為密奏事雍正六年三月初十日接據蒲州協副

將呈報臨晉縣張咎角杯三村拒捕殺傷衙役壯

丁一案

臣

隨飛咨撫臣一面飛檄左營遊擊胡海

即帶馬步兵三百名前赴臨晉地方會同蒲州副

將相機嚴拏拒捕各犯又遣標員單身齎示前往

三村宣布

皇恩安撫良衆令各村獻出為首師刑等犯其餘無辜

臣當

題請免罪等示於官兵未到之先星飛安撫查拏去
後茲於本月十六日據臣所差標員回稟把總持
示至三村地方民人見示隨將在村之首犯師刑
投獻其張臣樊中花實係脫逃村中之人情願四
路密捕投首把總即將所獲師刑帶回蒲協副將
交明臨晉縣訖地方已屬寧靜并有張咎二村冤
詞各一紙呈上等情而稟到臣臣謹將張咎二村

原詞二紙錄呈

御覽至三村既已遵循撫順將師刑投獻則前調之三百名馬步兵丁應先撤回二百名仍留遊擊胡海帶兵一百名并蒲州協官兵一百名駐劄臨晉縣彈壓查拏俟陸續拏獲各犯之日聽撫臣審結另題外理合將拏獲首犯師刑并地方寧謐及先撤回兵丁二百名緣由繕摺奏

聞謹

奏

知道了案內雖云姦良不一石麟自當詳細察審但不
知二村百姓共有若干戶若干名口其中必有向來強
梁不法之匪類可細細體訪密奏以聞

雍正六年五月十四日山西太原總兵官臣袁立
相謹

奏為密奏事竊查臨晉縣姦民鬧縣一案臣已將遵
旨密訪戶口姓名及地方印官託故他往置若罔聞情

形奏

聞臣先於四月十四日曾經將臨晉署縣託故他往並不追比亦不躡緝並無印官無憑協拏務嚴飭印捕各官上緊追比犯屬文武協力會拏等因飛咨撫臣石麟去後續准撫臣咨覆經行嚴飭在案續又經撫臣另委候補知縣閻鈞前赴臨晉署事聞署縣閻鈞於到任之後即會同遊守千把等員親向各村勸令投首并密行偵緝頗稱盡心茲於五

月十四日據遊擊胡海等飛報要犯樊中花已於
本月十一日在朝邑縣果子村被縣役拏獲解到
蒲州暫羈俟起解日再報等因到臣仍飭各員
弁嚴行拏緝務期盡獲外理合將拏獲要犯樊中
花緣由繕摺奏

聞謹

奏

欣悅覽之爾於此一事料理周密奏報詳悉甚屬可嘉

能如此不欺不隱實心任事庶不負封疆之重寄也朕
已擢用爾為提督節制全省矣莫改移今日此志勉為
之

雍正六年九月十四日山西提督臣袁立相謹

奏為奏

聞事竊臣據太原營叅將周三奇呈報太原省城學院
衙門內於九月初三日晚被盜有學院發下陽曲
縣失單內開皮棉衣服及紬緞等物理合報明等

因到臣據此隨經批緝賊贓并飛查被盜確情去
後續據該叅將報稱卑職將被竊之事親問學院
據云是夜被竊家下並無一人知覺等情到臣臣
查省會官員衙署被竊則地方文武官弁之疎懈
可知臣等不能整飭罪無可追除批令太原營叅
將卽速會緝賊贓務獲外應俟撫臣查確盜情另

疏

題叅疎防緣係學臣官衙被盜特先繕摺奏

聞謹

奏

此事朕已早聞誠如汝奏省會之地尚如此他處不問可知矣豈非晉省文武朕擢用得人之明驗歟若又不能剋期緝獲汝等何顏自立朕則不知也

雍正六年十二月十五日山西提督臣袁立相謹
奏為敬陳查閱情形仰祈

聖鑒事竊臣於十月二十六日自平陽起身前赴大同

查閱邊兵內如東路營屬之忻州河保得勝并大同鎮標等營伍兵丁盡皆壯健旗械鮮明技藝嫻熟如寧武神池偏關華林水泉殺虎等協營兵馬次之如老營平魯助馬陽方口等營伍兵馬又在其次臣於點閱之際分別賢否一一勸勉訓誡尚有靈邱新平北樓山陰東路五營容臣逐營閱畢於回署之日另行奏

聞臣又訪得大同鎮標右營遊擊孟三友於雍正三年

間帶領兵丁一百二十名在阿爾泰地方種地於
雍正五年將兵丁糧米勒扣四箇半月以補七分
收成之數具呈妄報希圖議敘臣廉訪既確即應
具疏

題叅但查該遊擊從前任內尚屬清潔此項扣剋係
添入地租分數之內實與入已者有間揆情準理

似尚有可原臣仰體

聖主矜惜武弁之至意是以暫爾姑容或容臣勒將所

扣糧銀給還各兵予以自新以策後效或即應

題叅治罪之處伏候

皇上批示遵行再臣蒙

聖主教養深恩曾無犬馬之報日夜思維慚悚交并臣
矢圖報效斷不敢一息稍弛茲當查閱邊兵適臣
抱恙未愈臣即力疾起程叨蒙

聖主福庇當此隆冬凜冽之時而臣疾日就痊可但病
能具此一誠何病不除也
根未除所以言語終屬費力步履尚賴扶持然臣

之精神心力實可竭蹶辦事斷不以偶抱微疴輒
敢自求安佚但現在尚未全痊亦不敢不以實情

仰達

候開歲命醫官前往看視並令攜帶良藥調治爾疾
聖聽為此繕摺奏

聞謹

奏

覽見

雍正七年正月二十二日山西提督臣袁立相謹

奏為恭謝

天恩事雍正七年正月十三日蒙

皇上恩賜太醫閻德富到平并齋

賜臣尋骨風珍藥臣叩謝

天恩祇領之下隨交太醫遵製藥酒日服二次晚服太
醫湯藥一劑雖服未旬日而氣暢筋舒語言步履
便覺大異從前日漸見效即據太醫亦謂收功可
必除具本

奏謝

天恩外謹再繕摺恭

謝以

聞謹

奏

覽奏欣悅如獲寶物更當用心攝養一切處不得過用
精神待痊愈如初料理亦不為遲何必於病中勉強支
持耶必遵朕諭毋違

雍正七年三月初三日山西提督臣袁立相謹

奏為欽奉

上諭事竊臣准兵部劄付內開雍正七年七月二十三
日內閣奉

上諭聞二月初五日夜山西蒲州府城內道府城守文
武衙門三處同日被盜明火執仗劫去衣物等項此
事朕已聞知而巡撫提督兩司何以遲延尚未奏聞
伊等所司何事而疎縱廢弛至於如此著巡撫提督

等轉飭屬員將蒲州盜犯嚴行緝捕務令全獲儻少
有隱飾逾限不獲定將巡撫提督等一併嚴加議處
欽此欽遵劄行到臣查蒲州副將暨河東道衙
門被盜俱係竊賊實未聞明火執仗且於初四日
四更時失盜於初五日辰刻即據馬兵劉節同河
東道家人在黃河渡口拏獲正賊藍樹奇一名又
於本月十三日據霍州千總石鳳鳴協同霍州捕
衙楊九經各帶兵壯於辛置鎮拏獲正賊李添才

等七名贓賊俱經全獲似應聽文職審擬歸結臣
愚昧無知以為事既有著恐煩

聖主廑懷是以未經

奏明今跪讀

聖諭仰見

聖明照察無所不周而臣等疎縱廢弛之罪實無可辭

臣之惶恐悚慄無地自容伏望

聖主鑒臣之愚昧無才所致實不敢有涉隱飾之心格

外

恩寬策臣後效臣惟凜奉

天言竭力整飭務期宵小潛消地方安靜以仰報

聖主深恩於萬一而已臣可勝泥首悚惶敬懇之至為

此繕摺謹

奏

朕所倚賴者惟爾等封疆大臣據實無欺似此隱飾猶
言不敢有涉何也責問之下但以愚昧無才四字支吾

敗露之後祇以泥首悚惶一句塞責可謂深負朕信任之恩矣案犯既經全獲審明自有發落此後若仍不知痛自改革而以恐煩聖主厯懷等語文飾則罪益不容貸朕所厯懷者内外文武諸臣之朦蔽欺隱耳除此朕有何厯懷之事職為大臣當權其輕重而以遠者大者為務若於些小處愉愉哶哶以為愛君敬主非愛之敬之也適所以悞之也況汝等武夫何必尚此虛套但當以誠實二字對君為正否則弄巧反成拙也誌之

雍正七年四月二十四日山西提督臣袁立相謹
奏為奏

聞事竊照晉省去年所挑車兵二千名臣欽遵

諭旨與撫臣石麟和衷協辦敬謹奉行一年以來車兵
俱覺純熟軍容亦覺整齊今臣標左右平陽吉州
隰州平垣汾州各營車兵八百名分作二起已於
本月二十二十一日起行又太原營車兵二百名
與撫標車兵二百名合為一起於前二起過後尾

接而行俱由固關大路其大同車兵八百名已定
於五月初六等日分作三起就近從北路而行均

欣悅覽之俟到京之後合為一處理合奏
聞至臣蒙

聖主洪慈遣醫診視臣疾并蒙

賜藥賜參

恩施稠疊臣自得參藥調治以來日漸就愈惟步履
言語尚未全痊茲據太醫所云止須再加調養即

且勿令回京待痊愈如舊請旨候朕命來時再來將伊
交撫臣石麟於公用銀內每月賞給數十金供其食用
命臣惟望可省汝之照看矣
闕叩首謝

恩凡臣有生之年永圖犬馬之報效而已合併奏

聞謹

奏

知汝病愈朕懷深慰然必待全愈朕念方釋也亦莫急
於求痊但平心靜氣調理日久自然復元矣

同日又

奏為要地需人懇留賢員以裨營伍事竊臣前因人
才起見請將原任臣標中軍遊擊胡海留晉補用
具題請

旨蒙

皇上格外天恩准將遊擊胡海陞補臣標中軍叅將現
任中軍叅將劉成調補廣西提標叅將但臣看得
叅將劉成雖任臣標未久而營伍之諳練辦事之

明敏又屬百不得一之員且現今汾州營叅將出缺五月而新補之叅將張朝良已奉

旨留陝出兵尚未到任查汾州府地方營汛甚屬緊要臣不得不再懇

聖恩可否將劉成調補汾州營叅將其未到任之叅將

張朝良并廣西提標叅將一缺另邀不可廣西地方甚屬緊要必得如此好員方克勝任特放一轉移間則要地得人而臣收臂指之用不淺矣

抑臣更有

奏者臣標原任中軍遊擊李順自任臣標四載以來
潔已奉公愛兵如子因於五年二月間以陝省兵
馬奏銷案內有伊在守備任內領兵駐劄甘肅等
處時錢糧未清議令賠補奉

旨解任又於六年九月間奉

旨寬免各在案但自該員解任之後未奉部文知照臣

指

缺

既不敢令其他往又不敢冒昧具

題開復此等好員豈宜任其廢棄可否容臣將解任

題請候朕裁酌

遊擊李順送部引

見恭候

聖旨臣謹繕摺恭

奏伏乞

皇上批示遵行謹

奏

覽

雍正七年十月二十一日山西提督臣袁立相謹

奏為恭謝

天恩事竊臣標齋摺千總捧到

皇上賜臣各色錠子扇墜一匣臣郊迎至署恭設香案
望

闕叩頭謝

恩祇領訖隨跪讀

硃諭蒙

聖主以臣病尚未全好

恩旨諄切臣仰荷

洪慈矜憫感激涕零捐糜難報臣服

聖主恩賜參藥并賴太醫閻德富盡心調理自十月以

來覺壯健如舊言語亦清元氣已復惟右足之筋

今著

在京醫官據閻德富奏帖斟酌一方合就丸藥一

骨酸軟無力已成痼疾萬非醫藥所能愈臣前恐

併發

來矣爾與閻德富商酌如此方可服試服看何如

病入膏肓永難圖報今他病俱已全愈惟行走尚

豈有

不能全愈之理耶

須扶持然臣已屬再生之身實為心滿意足臣從

前未病之時每年春秋二季必東西兩路循環巡

今歲且停明年秋間再行請旨可也冬月嚴寒兵弁應閑兵馬地方自臣去冬前赴大同之後一年以來
西南一帶未得巡行一次地方緊要臣擬日內親
候一切不便仍於秋令為佳赴蒲潞等營操閱查察

欽差太醫閻德富臣應即送回京緣奉

硃批令臣請

閻德富且不必來發來九藥果否對證可服令其酌定
旨臣不敢冒昧送回謹繕摺恭謝
時再行請旨可也
天恩并請

諭旨臣無任感激依戀之至謹

奏

覽

雍正七年十二月初二日山西提督臣袁立相謹
奏為請補賢員以勵廉能以裨營伍事竊查大同鎮
標右營遊擊孟三友告休員缺邊鎮佐員最為緊
要臣看得大同鎮中營守備趙元龍老成歷練又
澤州營守備舒連漢仗操守俱好均屬賢能廉幹
之員堪以陞補大同鎮標遊擊之缺但查該鎮標

右營遊擊非應

題補之缺臣不敢冒昧具

題為此繕摺恭懇

天恩可否容臣將二員具本保送赴部引

見恭候

聖主欽點一員補授於地方營伍甚有裨益又此二守

備員缺亦關緊要看得臣標右營千總白世鳳居

心誠實弓馬嫻熟請將所遺之守備員缺即以千

總白世鳳補授亦屬有益如蒙

俞允臣即另疏保

題伏乞

聖玉批示遵行謹

奏

既非題補之缺不宜違例具題致啓他省效尤之心果
係出格堪膺保薦之員令其來京引見候朕酌定命爾
另缺題陞可也

硃批諭旨卷一百三